

韓非子集釋



B22652 / 1

韓非子集釋

上

陳奇猷校注

上海人民出版社

中央社会主义学院
图书馆
★ 藏书 ★

**韩非子集释**

(上、下册)

陈奇猷校注

(原中华书局版)

上海人民出版社出版

(上海绍兴路5号)

新华书店上海发行所发行 上海群众印刷厂印刷

开本 850×1156 1/32 印张 36.75 字数 610,000

1974年7月新1版 1974年7月第1次印刷

印数 1—100,000

统一书号：2171·48 定价：2.65元

## 重印說明

韓非（約公元前二八〇年——前二三三年），戰國後期韓國人，著有韓非子一書，共五十五篇。他與李斯同為先秦法家的杰出代表荀況的學生。韓非是先秦法家思想的集大成者。他對反動的儒家學派進行了尖銳的批判。他的學說為新興地主階級建立統一的中央集權的專制主義國家，提供了有力的理論根據。韓非的法治思想，後來為秦始皇所採用，對於鞏固當時的封建生產關係，建立統一的中央集權的地主階級專政的國家，起了巨大的作用。

本書係原中華書局上海編輯所出版。集釋者沒有運用馬克思主義的觀點進行註釋，考證論述也不免繁瑣。但對韓非的原著進行了整理，並提供了一些材料。現予以重印，供讀者參考。

## 韓非子集釋凡例

一、本書校勘，以宋乾道黃三八郎刊本（簡稱乾道本）爲主，校以明正統道藏本（簡稱藏本）及明趙用賢刊本（簡稱趙本）。顧氏識誤稱今本者，卽此本。汪評本、凌瀛初本、張榜本、張鼎文本、盧氏拾補稱此本爲張本。孫月峯本、周孔教本、王道焜本、孫鏞本、秦季公本（簡稱秦本）、二十子本、管韓合刻本。並搜輯各書引文以資校讐，如羣書治要、初學記、意林、太平御覽、事類賦、藝文類聚、白孔六帖、雲笈七籤、類要、錦繡萬花谷、長短經、說郛、文選注等，皆在搜輯之列。至於先秦諸子，如老莊、管、商、孟、荀、墨、呂，秦漢以來諸著，如戰國策、淮南子、韓詩外傳、鹽鐵論、史記、漢書、說苑、新序、論衡、孔叢子、金樓子、抱朴子等書與韓子有關之文，亦皆採摭爲校勘之重要資料。

一、本書引用前人校說九十餘家，皆條錄而繫於原文之後。凡數說並通者，皆羅列以供讀者參考；凡數說相同者，則取其最完善之一說，餘則僅說明某人校說相同，不具引其文；但其說同而論證不同者，則仍二家俱錄。所錄前人校說，多指明其是非，其非者固加以證明，卽其是者亦多爲疏證。苟有所得，則冠以『奇猷案』三字亦附列焉。

一、關於韓非子集校性質之著作，王氏先慎集解之後，亦有選注校釋等書問世。但對於韓子本文，幾皆改從集解，今不予贅錄；其偶有不同於集解者，則說明於各本條之下。日本學者，亦有類於集校性

質之著作，如松臯圓纂、津田鳳卿解詁等是，其所改之有參考價值者，自皆條錄；其任意竄改者，則略而不取。

一、本書除採集各家校說並作校釋以供研究學術者參考外，並爲便於一般讀者起見，其義難通者皆爲說明。至篇中較奧晦之字句，亦詳加注釋。

一、篇中字句不輕加改易，改易者必有論證而又有善本爲根據，雖有強有力之論證而無善本援據者，不敢竄改。

一、各篇章節有乾道本合而他本分者，有乾道本分而他本合者，有乾道本及各本皆合或分者，今爲便於閱讀，悉依文義分段，然皆注明於各段之下，使讀者仍能知乾道本之舊。

一、本書雖已標點句讀，然猶保留前人校說中若干『句絕』之語，有因各家句讀不同者，有援據以標點者，又有前人句讀錯誤今必須加以辯證者，悉存其『句絕』字樣於各該條之下。至奇猷句讀，則如標點所示。

一、有時在一句中分置二注碼，乃因：（一）舊注位置在該句之中，雖校說儘可能遷就舊注位置，然有時句中有注而校說又不得不置於句末者，爲保留舊注位置，勢必分用二碼。（二）前人句讀不同，其校說之位置亦異，今儘可能使之合於一處；然有位置一經移動，則必校語與原文不符，爲保留前人校語之舊，故使之各據一碼。

一、爲使讀者易於貫串全篇文氣，集釋率多置於篇末；惟篇章過長，編碼太多，檢閱不便者，則以集釋置於各節之後。如十過、喻老、說林、內外儲說、難等篇，每事卽爲獨立之一段，集釋卽置於各該段之後。

一、原文句讀，悉依奇猷校語爲準。如說難篇『非吾知之有以說之之難也』，校語中說明此文『知之』下當有難字，而以『非吾知之難』爲句，今原文『知之』下無難字，故於『知之』下標一逗號，卽其例。

# 韓非子目錄

## 第一卷

初見秦第一(一) 存韓第二(二九) 難言第三(四) 愛臣第四(六) 主道第五(七)

## 第二卷

有度第六(八) 二柄第七(二〇) 揚權第八(三三) 八姦第九(五二)

## 第三卷

十過第十(六四)

## 第四卷

孤憤第十一(七六) 說難第十二(三三) 和氏第十三(三六) 姦劫弑臣第十四(四四)

奇獻案趙本弑作殺誤下作弑可證

## 第五卷

亡徵第十五(七七) 三守第十六(八四) 備內第十七(八九) 南面第十八(九六) 飾邪第十九(一〇七)

## 第六卷

解老第二十(一〇六)

## 第七卷

目錄

五

一六七

一三六

一六七

一〇六

一六四

一六五

一



喻老第二十一(三九) 說林上第二十二(四七)

第八卷.....四四八

說林下第二十三(四四) 觀行第二十四(四九) 安危第二十五(四三) 守道第二十六(四二)

用人第二十七(四六) 功名第二十八(五七) 大體第二十九(五三)

第九卷.....五二六

內儲說上七術第三十(五六)

第十卷.....五七〇

內儲說下六微第三十一(五七〇)

第十一卷.....六二二

外儲說左上第三十二(六二二)

第十二卷.....六三〇

外儲說左下第三十三(六三〇)

第十三卷.....七一一

外儲說右上第三十四(七二二)

第十四卷.....七五五

外儒說右下第三十五(七五)

第十五卷 ..... 七九

難一第三十六(七二) 難二第三十七(七八)

第十六卷 ..... 八四

難三第三十八(八四) 難四第三十九(八七)

第十七卷 ..... 八六

難勢第四十(八六) 問辯第四十一(八九) 問田第四十二(九二) 定法第四十三(九六)

說疑第四十四(九三) 詭使第四十五(九四)

第十八卷 ..... 九四

六反第四十六(九四) 八說第四十七(九七) 八經第四十八(九六)

第十九卷 ..... 一〇〇

五蠹第四十九(一〇四) 顯學第五十(一〇六)

第二十卷 ..... 一〇七

忠孝第五十一(一一七) 人主第五十二(一二八) 飭令第五十三(一三三) 心度第五十四(一三四)

制分第五十五(一四二)

# 韓非子集釋卷第一

初見秦第一

存韓第二

難言第三

愛臣第四

主道第五

初見秦第一 (一)

臣聞 (一) 不知而言不智，知而不言不忠，(二) 爲人臣不忠當死，言而不當亦當死。(三) 雖然，臣願悉言所聞，唯大王裁其罪。(四)

臣聞天下陰燕陽魏，(五) 連荆固齊，收韓而成從，(六) 將西面以與秦強爲難，(七) 臣竊笑之。世有三亡，而天下得之，(八) 其此之謂乎！臣聞之曰：『以亂攻治者亡，以邪攻正者亡，以逆攻順者亡。』(九) 今天下之府庫不盈，困倉空虛，(十) 悉其士民，張軍數十百萬，(十一) 其頓首戴羽爲將軍，斷死於前，不至千人，皆以言死。(十二) 白刃在前，斧鑕在後，而卻走不能死也。(十三) 非其士民不能死也，上不能故也。(十四) 言賞則不與，言罰則不行，賞罰不信，故士民不死也。今秦出號令而行賞罰，有功無功相事也。(十五) 出其父母懷衽之中，生未嘗見寇耳。(十六)

聞戰，頓足徒跣，〔一〕犯白刃，蹈鐵炭，〔二〕斷死於前者皆是也。〔三〕夫斷死與斷生者不同，〔四〕而民爲之者，是貴奮死也。〔五〕夫一人奮死可以對十，十可以對百，百可以對千，千可以對萬，萬可以對天下矣。〔六〕今秦地折長補短，方數千里，名師數十百萬。秦之號令賞罰，地形利害，天下莫若也。以此與天下，天下不足兼而有也。〔七〕是故秦戰未嘗不剋，攻未嘗不取，所當未嘗不破，開地數千里，此其大功也。〔八〕然而兵甲頓，〔九〕士民病，蓄積索，〔十〕田疇荒，困倉虛，四鄰諸侯不服，霸王之名不成，此無異故，〔十一〕其謀臣皆不盡其忠也。〔十二〕

臣敢言之，往者齊南破荆，〔一〕東破宋，〔二〕西服秦，〔三〕北破燕，〔四〕中使韓、魏，〔五〕土地廣而兵強，〔六〕戰剋攻取，詔令天下。齊之清濟濁河，足以爲限，〔七〕長城巨防，足以爲塞。〔八〕齊五戰之國也，〔九〕一戰不剋而無齊。〔十〕由此觀之，夫戰者，萬乘之存亡也。〔十一〕且聞之曰：〔十二〕『削迹無遺根，無與禍鄰，禍乃不存。』〔十三〕秦與荆人戰，大破荆，襲郢，取洞庭、五湖、江南，〔十四〕荆王君臣亡走，東服於陳。〔十五〕當此時也，隨荆以兵則荆可舉，〔十六〕荆可舉，則民足貪也，地足利也。〔十七〕東以弱齊、燕，〔十八〕中以凌三晉。〔十九〕然則是一舉而霸王之名可成也，四鄰諸侯可朝也。而謀臣不爲，引軍而退，復與荆人爲和，〔二十〕令荆人得收亡國，聚散民，立社稷，主置宗廟，令率天下西面以與秦爲難，〔二十一〕此固以失霸王之道一矣。〔二十二〕天下又比周而

軍華下，〔善〕大王以詔破之，兵至梁郭下，〔善〕圍梁數旬則梁可拔，拔梁則魏可舉，舉魏則荆、趙之意絕，〔善〕荆、趙之意絕則趙危，趙危而荆狐疑，〔善〕東以弱齊、燕，中以凌三晉。然則是一舉而霸王之名可成也，四鄰諸侯可朝也。而謀臣不爲，引軍而退，復與魏氏爲和，〔善〕令魏氏反收亡國，聚散民，立社稷，主置宗廟，令，〔善〕此固以失霸王之道二矣。前者穰侯之治秦也，用一國之兵而欲以成兩國之功，〔善〕是故兵終身暴露於外，士民疲病於內，〔善〕霸王之名不成，此固以失霸王之道三矣。

趙氏，中央之國也，雜民所居也。〔善〕其民輕而難用也。〔善〕號令不治，賞罰不信，地形不便，〔善〕下不能盡其民力。〔善〕彼固亡國之形也，而不憂民萌。〔善〕悉其士民，軍於長平之下，〔善〕以爭韓上黨。〔善〕大王以詔破之，拔武安。〔善〕當是時也，趙氏上下不相親也，貴賤不相信也。然則邯鄲不守。〔善〕拔邯鄲，筦山東河間，〔善〕引軍而去，西攻脩武，〔善〕躡華，〔善〕絳上黨。〔善〕代四十六縣，〔善〕上黨七十縣，〔善〕不用一領甲，不苦一士民，此皆秦有也。〔善〕以代、上黨不戰而畢爲秦矣，〔善〕東陽、河外不戰而畢反爲齊矣，〔善〕中山、呼沱以北不戰而畢爲燕矣。〔善〕然則是趙舉，趙舉則韓亡，〔善〕韓亡則荆、魏不能獨立，荆、魏不能獨立則是一舉而壞韓、盡魏、拔荆，〔善〕東以弱齊、燕，〔善〕決白馬之口以沃魏氏，〔善〕是一舉而三晉亡，從者

敗也。<sup>(九二)</sup>大王垂拱以須之，<sup>(九三)</sup>天下編隨而服矣，<sup>(九四)</sup>霸王之名可成。而謀臣不爲，引軍而退，復與趙氏爲和。夫以大王之明，秦兵之強，弃霸王之業，地曾不可得，<sup>(九五)</sup>乃取欺於亡國，是謀臣之拙也。且夫趙當亡而不亡，秦當霸而不霸，天下固以量秦之謀臣一矣。乃復悉士卒以攻邯鄲，不能拔也，<sup>(九六)</sup>棄甲負弩，戰竦而卻，天下固已量秦力二矣。<sup>(九七)</sup>軍乃引而復，并於孛下，<sup>(九八)</sup>大王又并軍而至，<sup>(九九)</sup>與戰不能尅之也，又不能反運，罷而去，<sup>(一〇〇)</sup>天下固量秦力三矣。<sup>(一〇一)</sup>內者量吾謀臣，外者極吾兵力。<sup>(一〇二)</sup>由是觀之，<sup>(一〇三)</sup>臣以爲天下之從，幾不難矣。<sup>(一〇四)</sup>內者，吾甲兵頓，士民病，蓄積索，田疇荒，困倉虛；外者，天下皆比意甚固。<sup>(一〇五)</sup>願大王有以慮之也。<sup>(一〇六)</sup>

且臣聞之曰：『戰戰栗栗，日慎一日，<sup>(一〇七)</sup>苟慎其道，天下可有。』何以知其然也？昔者紂爲天子，將率天下甲兵百萬，左飲於淇溪，<sup>(一〇八)</sup>右飲於洹谿，<sup>(一〇九)</sup>淇水竭而洹水不流，<sup>(一一〇)</sup>以與周武王爲難。武王將素甲三千，戰一日，<sup>(一一一)</sup>而破紂之國，禽其身，<sup>(一一二)</sup>據其地而有其民，天下莫傷。<sup>(一一三)</sup>知伯率三國之衆以攻趙襄主於晉陽，<sup>(一一四)</sup>決水而灌之三月，<sup>(一一五)</sup>城且拔矣；襄主鑽龜筮占兆，以視利害，<sup>(一一六)</sup>何國可降。乃使其臣張孟談於是，乃潛於行而出，<sup>(一一七)</sup>知伯之約，<sup>(一一八)</sup>得兩國之衆，<sup>(一一九)</sup>以攻知伯，禽其身以復襄主之初。<sup>(一二〇)</sup>今秦地折長補短，方

數千里，名師數十百萬，秦國之號令賞罰，地形利害，天下莫如也，以此與天下，天下可兼而有也。<sup>(一三)</sup>臣昧死<sup>(一四)</sup>願望見大王<sup>(一五)</sup>言所以破天下之從，舉趙、亡韓，臣荆、魏、親齊、燕<sup>(一六)</sup>以成霸王之名，朝四鄰諸侯之道。<sup>(一七)</sup>大王誠聽其說，<sup>(一八)</sup>一舉而天下之從不破，趙不舉，韓不亡，荆、魏不臣，齊、燕不親，<sup>(一九)</sup>霸王之名不成，四鄰諸侯不朝，大王斬臣以徇國，以爲王謀不忠者也。<sup>(二〇)</sup>

(一) 王先慎曰：史記秦本紀六國表並以韓非使秦在始皇十四年，韓非傳屬之王安五年。案秦攻韓紀表未書，始皇十三年用兵於趙，十四年定平陽、武城、宜安，而後從事於韓，則非之使秦當在韓王安六年，紀表爲是。吳師道以非爲韓王安五年使秦，據世家言之，不知作五年者，史駁文也。又案：趙本篇目頂格，下同，不復出。奇猷案：秦策作張儀說秦王。因此，此篇是否出韓非之手，其說紛紜，茲摘錄其要，以供讀者參考：(一)以爲非出韓非之手者：(甲)沙隨程氏謂既有存韓篇，故李斯言非終爲韓不爲秦，此篇有舉韓之論，乃范雎書也。(見王應麟漢藝文志考證引)(乙)梁啓超謂篇首言成從以與秦爲難，明爲蘇秦合從時形勢，而爲張儀說秦惠王之詞。(見要籍解題及其讀法)(丙)太田方謂篇中有親齊燕語，乃從人爲齊燕說秦。(見韓非子翼彙)(丁)容肇祖謂存韓篇言韓未可舉，而本篇言亡韓甚易，彼此矛盾，若存韓爲真，則本篇即非出於韓非，而實爲蔡澤說秦王書。(見韓非子考證)(二)以爲出於韓非之手者：(甲)吳師道、盧文弨、顧廣圻、張文虎等謂篇中述儀後事，秦策誤爲張儀作。(乙)陳祖釐謂韓非說以先舉趙而後亡韓，乃所以緩韓之急，其亡韓即所以存韓，故此云亡韓，與存韓篇實不抵觸。(見韓非

子別傳，光華大學半月刊二卷四期）（丙）松臯圓以爲此言亡韓者，以見韓非不黨於宗國，入說之道，似有不得不然者。（見韓非子纂聞）（丁）高亨以爲本篇列舉秦破趙、破魏、破楚及五國入齊事，而未明言破韓，是非爲祖國諱，不必提及韓，故此篇以出於韓非爲是。（見韓非子初見秦篇作於韓非考，古史辨第四冊）（三）以爲張儀作而韓非襲用之，尹桐陽有此說。（見新釋）猷案：此篇以出韓非之手爲是。第一：自蘇秦死後，六國削弱，而言合從之聲復起，故此篇首言合從形勢。第二：先是韓非爲韓使秦，當即上書言存韓，故李斯害韓非於秦王曰：『非終爲韓不爲秦』，秦王以爲然，下吏治非，韓非欲自陳不見。（詳史記韓非傳）此篇必係欲自陳不見之上秦王書，故篇末云：『願望見大王。』後人不知此篇出存韓之後而題爲初見秦，國策又以爲張儀書，遂使後人起爭論之端。第三：後人編戰國策時，當是將各國檔案蒐集重加編排，而張儀、韓非等人所上之書，在檔案中當混於一處。至當時檔案，當亦不若今日檔案編排之精審，各案皆題名標姓。此篇在篇中又無一字及上書者之名，故編國策者誤爲張儀之作。第四：史記韓非傳謂秦王見韓非而悅之，此意韓非當亦知之，今未任用而被下吏治，又不能自陳，故詳述其策於此書中，一則乞秦王能任用，再則表明其爲秦而不私韓，故與存韓篇言存韓發生矛盾。第五：本書民氓字皆作民萌，而此篇亦作民萌，可見本篇亦爲韓非手筆；且知伯決晉水灌晉陽事，韓非屢道之，（十過、喻老、說林上、雜三及本篇）與本篇陳說，其旨趣皆同，蓋舉之以告誡人主勿貪鄙而必防其下，亦可見此篇爲韓非之作。總上五證，此篇當出於韓非，但與存韓篇時間不同，情勢不同，其有矛盾之處，乃必然之表現，不足證明其不出於韓非也。

（三）奇猷案：秦策此下有之字。



〔三〕王先慎曰：秦策言下並有爲字。

〔四〕盧文弨曰：言而不當，策作言不審。奇猷案：『不當』之當字讀去聲。三而字猶如也、若也；詳王引之氏經傳釋詞。

〔五〕王先慎曰：爾雅：『裁、度也。』罪即指上『言而不當亦當死』而言。國策高誘注訓裁爲制，失其義。奇猷案：王說是也。淮南子主術訓：『取民則不裁其力』，注：『裁、度。』又案：舊連上，今提行。

〔六〕舊注：燕北故曰陰，魏南故曰陽。王先慎曰：高注：『陰小陽大。』案舊注是，高注非也。此不過舉關東地形而言，燕在陰，魏在陽耳。周禮柞氏疏引爾雅：『山南曰陽，山北曰陰。』陰陽隨山水所指，無庸取大小爲說。奇猷案：鮑彪注曰：『陰北陽南』，與此同。

〔七〕盧文弨曰：策作『收餘韓成從』。奇猷案：鮑彪注曰：『韓時弱，多喪地，今存者其餘也。』

〔八〕盧文弨曰：策無強字，此倒，當作強秦。顧廣圻曰：秦強當作強秦，策無強字。王先慎曰：盧說非，強、音其兩切。奇猷案：盧、顧說是，此正是稱頌秦之辭。又案：鮑彪云：『赧王五十九年與諸侯從，此五十一年。』

〔九〕舊注：知三亡者得天下。盧文弨曰：世有三，注同。宋本二，吳師道補注國策亦云韓子作二。謂天下得亡之形也。舊注：『知三亡者得天下』，謬甚。顧廣圻曰：吳師道引此三作二，策作三，末多『以逆攻順者亡』一句，

或此脫。張文虎曰：三亡，即下所云『以亂攻治者亡，以邪攻正者亡，以逆攻順者亡。』（今本脫，依秦策。）三端也。天下二字承上『臣聞天下』云云來，謂天下之攻秦者，犯此三亡也，注乃云：『知三亡者得天下』，不解其所謂。

王先慎曰：吳據誤本引作二，盧說宋本即指吳所引而言，乾道本作三，張榜本、趙本並同，不當作二，顧、張說是。